

cessores apprehenderunt, ut *Philolaus* (qui circa annum Mundi 3400 vixisse, & Terram volvi atque unum ex astris esse, sensisse fertur, cuius visendi gratia *Plato* non distulit Italianam petere.) Item *Aristarchus Samius* (qui Pythagoræ doctrinam scripto complexus ad posteros propagavit) *Ecpphantus*, *Nicetas*, *Seleucus*, *Cleanthes* & alii.

Ptolemaeus, ejusque asecula.

Quia verò opinio de Terræ stabilitate valde inveterata & ab omnibus ferè, proptertalem apparentiam, pro verâ habita fuit; rejecerunt cæteri hanc Pythagoricam sententiam; Præcipue verò *Aristoteles*, deinde *Claudius Ptolemæus* aliàs Astronomorum princeps (qui circa annum Christi 130 Alexandriæ in Ægypto suas incepit observationes, & *Almagestum*, id est, Magnæ Constructionis opus edidit, mortuus anno 147, quem de stirpe Regia Ptolemæorum fuisse *Tycho*

Brahe affirmat) & alii tunc temporis Astronomi. Postea etiam *Johannes de Sacrobosco*, *Alphonſini*, *Purbachius*, *Christophorus Clavius* & alii, qui denique pro diversis istis Siderum apparentiis salvandis, & retinenda Terræ stabilitate, statuerunt Astra alligata seu quasi affixa esse sphæris solidis, ad quarum motum tam variè ac diversimodè circumferrentur; Ut, ex. grat. Navis dum moveretur meridiem versus, nauis potest à prora in puppim septentrionem versus ambulare: Ita quilibet Planeta, dum in sphæra sua solida, 24 horis circumferretur ab ortu in occasum, sese interim movere posset ab occasu in ortum, imò sursum vel deorsum &c.

Et hæc in hunc usque diem apud ferè omnes communior retenta est opinio, verbis sequentibus breviter comprehensa.

CAPUT IV.

Continet brevem Systematis Mundi descriptionem, secundum Ptolomæi Hypothesin suppositâ Telluris Quietè.

IN Mundo centrum tenens Terra, cum Aqua immobilis, Aëre circumfusa quiescit, quibus tandem Ignis supervolitans, totam machinam elementarem absolvit.

His proximè succedit Luna in orbe suo, cuius concava eaque perlævigata superficies illæsa ab igne contiguo, volvit. Lunam Mercurius ambit; Hunc deinde sequitur Venus, hique tres Errones, Inferiores vocantur. Sol quasi Rex omnium rector medium tenens in solo regali, hinc à Terrâ, Lunâ, Mercurio & Venere stipatur; Inde versus superiores Mundi partes, Martis, Jovis, tandemque Saturni satellitio circumcingitur, hi tres, Superiores vocantur, quia supra Solis orbitam vetus astronomia eorum orbès & circulos disposuit. Illis 7 Cælis superextensum est stellatum Cælum seu Firmamentum, facibus quamplurimis resplendens; Atque hisce 8 Cælis, temporibus Aristotelis tota Mundi moles constabat; Temporum verò lapsu, alii observati motus, Cælos novos frabricandi occasionem patefecerunt; Nam Equinoctiorum anticipatio, Nonum Cælum induxit, cum interim Libratio, stellato

Cælo deputetur; Novem illi orbes cœlestes, alio Decimo Cælo (quod Primum Mobile vocant) circumdati sunt. Postremò Cælum Empyreum.

Porrò omnes hos Planetarum Orbēs, solidos & benè compactos statuerunt, motus tamen proprius cuiusvis orbis seu sphæræ, ob levem politarum superficie rum contactum, non intercipiebatur, sed liberè motus sphæræ Lunæ, & sine impedimento etiam perficiebatur Mercurii, motui lunari nusquam renitens; Pariterque Venus gyrationes Mercurii non interturbabat; Omnibus omnino orbitibus jure æquato & citra molestiam incedere licebat. Incorruptibilitas tandem & ingenerabilitas accesserunt Cælis, &c. *Philolaus* in dissert: de system: Mundi.

Vel, ut Pierius Valerianus Bellunen: ad Alexandrum Farnesium, Cardinal: hanc Mundi machinam descripsit.

Illud verò primum omnium tibi fuerit mente concipiendum, Terram hanc quam incolimus universam unâ cum aqua circumfusa ac illi intrâ supraque & infra etiam adhærescente, pilæ cuiusdam obro-